

آبونه شرا : هس پر ايجون
سنه لکي (٤٠٠) اتی ايلنی
(٢٢٥) ، ممالك اجنييه ايجون
سنه لکي (٤٥٠) ، اتی ايلنی
(٢٥٠) غروشدر.

نسخه سي ٧,٥ غروشدر .
سنه لکي ٥٢ عدددر .

اداره خانه : باب عالی جاده سنده
رشيد افندی خاندنه

اخطارات
آبونه بدلی پشيندر .

مسلكه موافق آثار مع المنويه
قبول اولنور . درج ايدله ين
يازير احاده اولماز .

والله يهدي من يشاء الى صراط مستقيم

باش محرر
محمد حاكف

صاحب و مدر
اشرف اديب


آبونه سي پيدلنده ايريجيه
غروش كوندر مليدر .

مكتوبلرك امضاري واضح
واوقوناقلي اولسي وآبونه
صره نومروسي محتوي
بولونسي لازمدر

ممالك اجنييه ايجون آبونه
اولنورك آدرس لرينك
فرانسجه يازلسي رجا اولنور .

پاره كوندردلديكي زمان نهيه
دائر اولديني بيلديرلسي
رجا اولنور

اتبعون اهدكم سبيل الرشاد



اقتصادی، بو تروئیک تقییمی ایچون وقوع بولان محاربه لردن حرب عمومی تولد ایتشدرد .

(رحمن) اولان حق جل و علانک بوتون انسانلر اوزربنه نعم الهیه سنی رایکان ایتمش اولماسی انسانلر ایچون ال مسعود خیردر . هرا انسان هرهانکی بر ایشه باشلامدن اول ایکی شیدن امین اولماسی لازمدر . برنجیسی اوزرنده چالیشه جفی موادک موجودیتی، ایکنجیسی مساعیسنک ثمره دار اولمایدرد . هر مسلمانک هر کون دفعات ایله تکرار ایتدیکی بسمله شریفه بوامینی بخش ایتکده در . بسمله شریفه اساس سنی اولاجق هر شیک بزه بخش اولوندیغنی ، حق بزم اونک لزومی حس ایتدن جناب حقک اونی بزم رایکان بو یوردیغنی خبر ویرمکده اولدینی کی مساعیمنک ثمره دار اولاجغنی ده تبشیر ایتکده در . بونه تشویق آمیز بر اساسدر ! نه یایمق آرزو ایتسک سعیمزک مواد اساسیسی امرمزه آماده بولونیور . بزه دوشن چالیشه رق احراز موفقیتدن عازمدر . بو اولورک بیله روحنه یکی بر حیات افاضه ایدمک بر قوتدر !

اسلامک تبلیغ ایتدیکی بو حقیقت ، تدقیق اولونورسه ، انسانه الک بویوک مزده بی حامل اولدینی آکلاشیلیر . هر درلو ترقی ، هر درلو کشف عالمی ، یا خود هرهانکی موفقیت بوتلقیدن اخذ قوت ایدر . بوتون احتیاجاتمز ، تطمین ایدمکمز بوتون مطالبمز ، هواده اوچقدن طوتیکزده صوبک آلنده طولاشمغه قدر بخیله مزک دوشونه بیله جکی هرشی استطاعتمز داخلنده در . طبیعت بونک وسائط لازمه سنی احضار ایتشدرد . آرزومزی تحقق ایتدیرمک ایچون آنجق بو وسائطی بر آریه کتیرمک لازمدر . بو وسائط ایستزمینده ، ایستز آسمانده ارسون ، اوناری بولاق بزم وظیفه مزدر . بونی یایمق ایچون آدم آمار آتماز رحیم اولان حق جل و علا بزه یدنصرتی اوزاتیر ویزی موفقیتیه ایصال ایدر . «علوم عصریه» بو کشفیاتک بر نام دیکرندن باشقه برشی دکلدر . قرآن کریم ، جناب حقدن نه تضرع ایتسک حق تعالی نک اونی احسان ایدمکدن وعد ایدیور . بناء علیه مناهی و محرماندن باشقه نه ایسته سسک جناب حق اونی احسان ایدر . فقط جناب حقک احسانی ، یا صدیقه طایانوب اونک لطفلرینی ایسته مکله تحقق ایتمز ؟ موفقیتک مفناهی ، یرده کوکده جناب حقک نفع بشره مسخر قیلدینی هر شیدن استفاده ده در . بو اشیانک هپسی حاضر در . اولردن تأمین استفاده ایچون اوزانه حق ماهره مقتدر اللری بکله یور . ایلك مسلمانلر قایلرنده پارلایان بو ایمانه مجاهدیه قالدیلر و تاریخ بشرک الکیسه بر دورنده معظم رمدیتک بانیسی اولدیلر . مسلمانلقدن مقدم بشرک ساحه تقبی منطق ، علم نفس ، اخلاق و مابعد الطبیعه کی علوم نظریه ایدی . علوم مادییه اهمیت ویریله یوردی . شمس اسلام طلوع ایدر ایتمز علوم مادییه انکشاف ایتدی . بونک سبی اسلامک تبلیغ

ایتدیکی دستور عملدر . عمل ، مسعودیتمزک ، رفاهیمزک ، شان و شرفمزک ، یکانه ضامن اولدی . هپسج شبهه سز هرشی الهک بر نعمتیدر . فقط بونعمتک وسیله تحققی سنی و فعالیتدر .

فقط بونقطه به دقت ایتدی بزم عطالت بر فلاکت اولدینی کی (عمل) یکانه وسیله موفقیت طایمق ده بر مصیبتدر . عمل برستلکک ، انسانلری الحاده کوتورد . بو کون غربی دوچار فلاکت ایدن بوتلقیدر . هر بیلیر ، جناب حقک لطف و احسانی اولمازسه عام و صنعتک بر آدم آتمیه جفی تقدیر ایتمه یورلر . بزم آنجق الهک یاراندینی شیلرله درک ترقی و رفاهیمزی تأمین ایدیوروز . بوشیلر ، بزم اثر فعالیتمز دکلدر . بناء علیه صاعلام فکرلی بر انسان کندی مساعیسنک اثرینه بویون اکمز ، بالعکس انسانده فعالیت قابلیتی یاراتان وایشله نه جک هرشی ابداع ایدن رحمن ورحیمه عرض عبودیت ایدر .

هوایه کمال الدیه

تصحیح : بشرک رهبر مسعودیتی مقاله سنک باش طرفنده کی آیت کریمه نک یاکلیش دیزلیدیکی بالاخره کورولشدرد . طوغروسی (من عمل صالحاً فلنفسه ومن اساء فعلیها) در . بو صورتله تصحیحی رجا اولنور .

معجزه محمدیه

۴

بر خلقک کسب صلاح ایتمه سی خصوصنده الکی بیوک حامل اولان بر مقصدی تحقق ایتدیرمک اوغورنده برک ، ایلك اهتدایک وقوعدن اعتبار تأمین اولونمشدی . مسلمانانی قبول ایدن ارکک قادی ، یوکسک آلاقی ، بت پرست ، خریستیان ، یهودی هرا انسان دیکر مسلمانلرک قرده شی اولویوردی . اونک قانی ، اونلرک قانی کی ایدی . بو منظومه اخوت هر کون توسع ایدیوردی . مسلمانلق اقطار جهانده انتشار ایتدیکی زمان بیله اسلام اخوتی پایدار قالشدی . بر مهتدینک اصلی ، عرقی ، رنگی ، مملکتی ، مدنی نه اولورسه اولسون بر کره مسلمان اولدیمی دیکر مسلمانلرله بر اولویوردی . اسلام اخوتی بونلرک هپسی برکل یاپیور و بونلرک متحد قوتی ، هپسی ایسته دکاری استقامته توجیه ایدیوردی . برملک ترقیسی ایچون لازم اولان دیکر حامل ، شوق و حیاتیاتدر . قرآن کریمک تبلیغاتی ، حضرت محمدک کلماتی ایله بونلر مسلمانلر آره سنده ذروه کاله وارمشدی . دینی تجیل و کله الهیه بی اهلا هر مسلمانک هدف حیاتی ایدی . هر مسلمان بونک ایچون یاشایور ، بونک ایچون اولویور ، بونک اوغورنده هر هفت و مشقته کوکس کریور ، نه قازانیرسه بوغاییه حصرو تخصیص ایدیوردی .

روایت اولونیورک حرب میدانده بر دشمنک کلاه سنی اوچورمق اوزره ایکن بودشمن حضرت علینک یوزینه توکور دیکندن حضرت علی در حال قیلنجی قینه صوقشیدی . چونکه (علی) ، شخصه قارش

اك چوق متحسس ایدن نقطه پیغمبرمزمك رسالتلرینی طرز ایفالی،
هر بلره اصالت روحنی نفخ ایتملری، اولنرك تمایلاتنده، سجه و اخلاقده
خارقه آسا برانقلاب وجوده کتیره لریدر .

دور سعادتدن بری دنیای تنور و تمدن ایدن مؤسسه معظمه نك
اساسنی حضرت محمد قویمشد . قرآن کریم مسلمانلره « یاری علمی
آرتیر . » دماسنی تکرار ایتملرینی امر ایدر . پیغمبر مزده بویورکه
« عرفان ، هر مسلمانك حق طبعیسیدر ، هر مسلمانك آرادینی شیدر .
اونی نروده بولورسه آیر . » (دهلی) ایله (غرناطه) آره سنده امتداد
ایدن ساحه ده کی مزرعه عرفان بو تخم لردن یتشمشد . (چه مبرس
انسقویه دیا) ده دنیلورکه « باربار آورو پالیرلی اون اوچونجی عصره
قدر تمید ایدلر مسلمانلردر . اسلام فلسفه سی ، طبی ، علوم طبیعی سی ،
جغرافیایی ، تاریخی ، نحو و صرفی ، بلاغی ، شعر و اویله مبذول اثرلر
وجوده کتیرمشدرکه بولر ، انسانلر ار قودقچه پایدار اولاجقدردر . »
(رنهان) بوسوزلری علاوه ایدیور :

« اونونجی عصر میلادیده اندلسده علم و ادب ذوقی تأسس ایتدیکی
کی بو مملکت باشقه هیچ بر یرده منلی کورونماین بر ساحه انصاف
ایدی . خریستیانلر ، مسلمانلر ، یهودیلر ، عینی لسانله تکلم ایدیور ، عینی
شرقیلری تغنی ایدیور ، عینی تبعات ادبی و علمییه اشتراك ایدیورلردی .
مختلف ملتلی یکدی کیرندن آیران مانع لرازاله ایدلمشدی . هپسی ده مشترک
برمدنیت ایچون ابدال مساعی ایدیورلردی . بیکلرجه طلبه ایله مشحون
اولان قرطبه جامعلری تبعات علمی و فلسفیه نك فعال مرکز لریدی . »

(دویتش) مسلمانلرک اثرینی بوسوزلرله توصیف ایدیور :
« بوتون دنیایی قارا کلق قابلامشکن بشریته مشعلله بی اولنر
طاشیمشلردی ، یونان قدیمک عرفانی اولمشکن اونی اولنر دیرلتمشلر ،
شرقده غریبه ده فلسفه بی ، طبی ، هیئت ، صنایعی اولنر اوکره تمشلردی .
بو کون هپمز علوم عصریه نك مهدی اولان یرلرده طوره رق
(غرناطه) نك ماتم سقوطی طوئیورز . »

آوروپایی تعصب زنجیرلردن قورتارمق و اونی فکر دورینه کورتورمک
خصوصنده مسلمانلرک یاپدقلرینی (دزاهر) ده ، ده برچوق آوروپایی
مؤلفلرده اعتراف ایدرلر .

فقط بونقطه بی خاطر دن چیقارمه ملی بزرکه بوتون مسلمانلرک احراز
ایتدکلری موفقیات ، « دنیایی درت شی طوتار : علمانك علمی ،
کبرانك عدلی ، صالحلرک عبادتی ، جسورلرک شهامتی در ، دییه ن حضرت
محمدک اثریدر .

پیغمبرمزمك تاریخده حائز اولدینی موقع حقنده بر قاج سوز
علاوه ایدلم :

مستر (فریمان) دییورکه « حضرت محمد اپی وصیمی برانساندی .

اییلان برحقارتك انتقامی آلمق ایچون دکل ، دینی اعلا ایچون حرب
ایدیوردی .

بر اسلام حکیمی دییورکه « بالاخیار الله دن قورقایان بالضروره
بشردن قورقار . » حضرت محمدک اتباعی ، الله دن قورقدقلری ایچون
بشردن قورقایورلردی . بوندن باشقه بولر ، بویوک ایله کوچوک ،
زاکین ایله فقیر آره سنده برفرق کوزه تمیورلردی . عصاسی ، قینچندن ده
قورقونچ اولان حضرت عمر برفقیر قادینك بددعاسی قارشیسندله تیره مشدی .
مسلمانلره کوندریلن قوانین و قواعد اولنرك اک مهم عنصر تر قیسیدی .
مسلمانلر حیات خصوصیه لرینک ، حیات اجتماعیه لرینک ، حیات
اداریه لرینک ، الحاصل هر شعبه حیاتیه لرینک اداره سی ایچون لازم اولان
بوتون تعلیماتی حائز بولونیورلردی . بناء علیه مسلمانلرک بو وحدتی ،
شوق و حیاتی اولنری بر یوزنده حاکم قیلدینی زمان اولنر حاکمیتلرینی ناصل
اداره ایدلر جکلرینی بیلورلردی . مسلمانلرک قوانین اساسیه سی حر
بروطنداشک ، جسور برعسکرک ، صادق برزوجک ، فداکار برزوجنك ،
وظیفه پرور بر اولادک ، طوغرو بر آدمک ، بصیرتلی بر مأمورک ، مستقیم
بر مالک و یا بر تاجرک ناصل بر خط حرکت تعقیب ایدلر جکفی تعلیم ایتشدی .
بولنرك هپسی حضر محمدک ارتحالندن صوکره ، مسلمانلرک نائل
اولدقلری معظم ترقیاتك تصادفه عطف اولونمایه جغنی کویستر ، بالعکس
بوتون بو ترقیات حضرت محمدک تأسیس ایتدیکی تمل اوزرینه قائم
اولمشدی . بویک صاعلام تمل بو کونه قدر پایدار اولمشدر . ینه اولمک
اوزرینه تأسیس بنیان ایدلمیدرکه اسکسی کی هر ترقیه نامزد اولالم .
عزیز بر آرقداشمز : « حضرت محمدک دورینه دونه لم ، دونه لم ، دییور .
فی الحقیقه بوسوز هر مسلمانك رهبری اولمیدر . چونکه « مسلمانلره
عزت ماضیه لرینی تأمین ایدلر جک یکانه یول بودر . مسلمانلرک منبع
قوت و منبع ترقیسی ؛ اسلام عرفان و اسلام مدنیتك منبع فیضی ، قرآن
کریمدر . قرآن کریم ، رهبر کز اولسون ، اسکسی مدنیتدن دها بویوکسک
بر مدنیت تأسیس ایدرسکز . »

مستر (ده وهن پورت) دییورکه « قرآن کریم ، اسلام طلمک
عمومی مجله سیدر . قرآن ، اجتماعی ، مدنی ، تجاری ، عسکری ،
فقهی ، جزائی ، جنائی ، و هر شیدن اول دینی بر مجله در . هر شی
اونکله تنظیم اولونور . عباداتدن ، حیات یومیه نك هر صفحه سینه
قدر ، روح بشرک فلاحندن وجود بشرک محنتی تأمین ایدلر جک
هر شیه قدر ، هیئت اجتماعیه نك حقوقدن امتك حقوقه قدر ، اخلاقدن
جانیاته قدر ، جزالردن حیات اخرویه قدر هر شیتی بو کتاب محتویدر . »
فقط بر دولتك ایجاد و تنظیمی ، مسلمانلرک نظر دقتی جلب ایدن
اک مهم مسئله دکدر . هر نه قدر پیغمبرمزمك عربستانده تأسیس
ایتدیکی دولت مکمل و بر نمونه اتحاد و فعالیت ایدیه ده مسلمانلری

خالقته اعتماد تام ایله متحسدر . کندیسې هم دین ، هم عمل
ساحه سنده معظم بر تجدد وجوده کتیرمش بر رسول الهیدی .
مستر (استوبارت) دیورکه :

« استعمال ایدیه جک وساطتک ندرتی و وجوده کتیردیکی اثرک
عظمتی نظر اعتباره آلاق دیه بیلرزه که تاریخده حضرت محمدک نامی
قدر شمشه نثار بر نام یوقدر ا »

(وایل) ده ، (بوس ورت اسمیت) ده عینی فکرده درلر .
عجبا دنیاده هیچ بر آدم دین ، اخلاق ، عادات اجتماعی ، آمال
و تمیلات ملیه ساحه سنده بویه شانلی بر انقلاب وجوده کتیرمش ، بر
ملتی باربارلنک الک چیرکین درکه سندن فکر و عملک الیوکسک شاهقه سنه
یوکسکتمش باشقه بر انسان وارمیدر ؟

حضرت محمد ، پیغمبردی ، شارعدی ، قومانداندی ، سیاسیدی ،
متفکر دی . بونلرک هیسنی جامع باشقه ذواتده کلشدر . فقط هیچ
بری حضرت محمدک پایدیغی پایامشدر . اللهم صل علی محمد و آله .
س . م . مسیحی قهرای

یکی حقوق عائد

دومسی مقننه مطالعه

۵

« ۳۸ — ماده : اونایی یاشنی اکال ایتمش اولان صغیر و صغیره ناک
هرکیم طرفندن اولورسه اولسون عقد نکاحی باطلدر . »

بوماده ، احکام فقهیه مزه مخالفدر . دوردنچی و بشنچی ماده لر
حقننده درمیان ایتدی کمز مطالعه صرہ سنده صرہ ایدلیدی و جهله
حافل و بالغ اولان کیمسه لرک عقد نکاحلری ، شرعاً صحیح
و نافذدر . ولوکه بونلر هنوز اونایی یاشارنی اکال ایتمش اولماسینلر .
بالغ اولیانلرک عقد نکاحلری ایسه تفصیله تابعدر . شویله که : غیر ممیز
بولونان صغارک بالذات عقد ایدیه جکلری نکاحلری باطلدر ، بالاخره
ولیلری اجازت ویرسه دنخی بونکاحلر صحتته انقلاب ایتز ، چونکه
باطله اجازت لاحق اولاماز . ممیز بولونان صغارک بالذات عقد ایدیه جکلری
نکاحلری ایسه ولیلرینک اجازتنه موقوف بولونور . فقط کرک ممیز
اولسون و کرک اولماسین بر صغیر و یا صغیرنک ولیلری طرفندن عقد
ایدیه جک نکاحلری صحیح و نافذدر . بونک خلافت اولان اقوال ،
نصه ، اجماع امته مخالف اولدیغندن شایان قبول اولاماز .

بناء علیه اشبو اوتوز سکزنچی ماده نک حکمی بو باده کی احکام
شرعیه مزله قابل تألیف دکلدر . بو نکاحک باطل عد ایدیه سندن
تولد ایدیه جک محذورات شرعیه بک چوقدر . فرض ایدیکز که اون بر

یاشنده بولونان بر ارکک و یا قیز چوجونھی مراسم قانونیه سی داخلنده
اولقسزین و لیسې معرفتیه تزویج ایدیلش ، آرهدن برخیلی سنه لر
کچمش ، بو ازدواجک ثمره خیریه سی اولقی اوزره بر قایچ چوجق
دنیا به کلش ، شیمیدی بری قیام ایدیه رک بو نکاحک بطلاننی ادما
ایدیور ، بویولده بر حکم استحصالنده نائل اولیور . آرتق دوشونمیلی ،
زوجینک یینی — آرهلرنده کی رابطه مشروعه نک دوامنه رغماً — ناصل
تفریق ایدیه جک ؟ بونلردن بری وفات ایتمش ایسه دیکری توارندن
ناصل محروم بیراقیله جق ؟ یابونلرک چوجوقلری نه اولاجق ؟ بونلرک
نسبیلری قبول ایدیلره رک کندیلری حقوق بنوتدن ناصل محروم
ایدیه جک ؟ ایشته بوماده ایله آتیا کوره جکمز دیکر بر ماده بو کی
داها بر جق محذوراته میدان ویریور .

« ۳۹ — ماده : اون سکز یاشنی اکال ایتمش اولان خاطب ایله
اون یدی یاشنی اکال ایتمش اولان مخطوبه نک بالاستننا حاکمک مساعدیه سی
و ولینک اذنی اولقسزین عقد نکاحی فاسددر . »

بوماده ده احکام شرعیه مزه توافق ایتیور . اولجده ده بیان اولوندی
اوزره احکام فقهیه مزه نظراً اون یدی ، اون سکز یاشارنی اکال
ایتمش اولان کیمسه لر اکر حافل و بالغ ایسه لر عقد نکاحلری هیچ
بر کیمسه نک اذن و اجازتنه متوقف اولقسزین صحیح و نافذ اولور .
ا کر هنوز بالغ دکلسه لر عقد نکاحلری یالکیز ولیلرینک اذن
و اجازتنه توقف ایدر ، بو نکاحلرک صحت و نفاذی ایچون نه حاکمک ،
نده باشقلرینک اذن و موافقه شرط دکلدر .

بناء علیه بو کی نکاحلرک فاسد عد ایدیه سی احکام فقهیه مزله
قابل تألیف اولاماز .

آنجا شونی صرہ ایدلم که اشبو لایحه قانونیه قبول ایدیلن
فاسدلر ایله شرعاً معین اولان فاسدلر بیتنده ماهیه فرق واردر . احکام
شرعیه مزه نظراً فاسد اولان بر عقد نکاح ؛ لاحق اولاجق بر اجازت
ایله صحتته انقلاب ایدیه مز . حال بوکه لایحه نک (۵۴) نجی ماده سنه کوره
انقلاب ایدیه بیلور ا .

مع مافیه فاسد نه ماهیتده تلقی ایدیلش اولورسه اولسون اشبو اوتوز
طقوزنجی ماده ده بیان اولونان نکاحلرک فاسد عد ایدیه سی ماده
سابقه صرہ سنده تعداد اولونان محذورات شرعیه یی مع زیاده انتاج
ایدیه جکی جهتله شرعاً اصلاً شایان تصویب اولاماز .

« ۴۰ — ماده : سن ازدواجه واصل اولان خاطب ایله مخطوبه نک سن
رشد واصل اولش بولونماقلری حالد اشبو قانونک آلتنجی ماده سی موجبیه
ولیلرینک معلوماتی و حاکمک اذنی اولقسزین نکاحلری صحیحدر و فقط لازم
اولماز . »

بوماده ده اطلاقه نظراً احکام فقهیه مزه غیر موافقدر . بوماده به